

中華民國十九年十月出版

燕都叢考
第二編

不許
複印

編纂者

閩侯陳宗蕃

發行所

北平後門內米
糧庫一號陳宅
電話東局五五三

印刷所

中華印字館

分售處

北平東四牌樓小
北平中區文藝社
北平大慈山商會
各埠商店

定價一元五角

燕都叢考

題詞

萬物主脆弱。人情喜變遷。故都如墜甌。未墜已非全。持較光宣時。寧只塙垣穿。華表與
陌。觸眼皆海田。爲政愛粉飾。紛更徒改絃。狐埋而狐搆。作計尤可憐。陳侯錄夢餘。忍
不成茲編。委曲避時諱。稱都冠以燕。遂金三圖審。已足證前賢。獨惜書早成。事變來聯
翩。順承非舊觀。御河行就堙。君書所不及。續考當何年。

李景塋

貝簫彌刺已年年。夢繞齊州九點煙。絕喜舊聞傳日下。儼同使者自天邊。漫隨毛穎宗
明視。愧乏湖船遂計然。坦蕩陳侯吾所畏。一編相餉各華顛。

章士釗

華胥一碎微塵。鷓鴣驚秋局又新。廿九年間坊曲夢。百千劫底嘯歌人。舊聞秀水猶
多闕。野史枝山可比珍。回首故園疲戰伐。乞厯同作朔方民。

黃濬

如畫西山送五朝。瓊華佳氣黯烟銷。武林舊事從頭寫。儻勝無懷記板橋。太平寰宇
關形勢。洛下園林繫盛衰。誰向酒邊尋恨影。含元殿上立多時。

葉恭綽

締造誰知物力殫。一篇苦爲補叢殘。潛夫無限傷心史。莫作尋常載筆看。論都世議總紛紛。忍使河山兩戒分。舊侶慈恩零落盡。春明花發每思君。

王揖唐

幾度滄桑感舊京。街衢宮苑總關情。君家本有陳驚座。大著編成四座驚。九陌淒涼草不春。網羅散佚屬何人。御溝柳與金臺月。往事追尋淚滿巾。舊聞日下有專書。考證零星付蠹魚。頗幸煌煌成巨製。才高百尺信非虛。迤邐燕城上氣銷。能談掌故太寥寥。傷心漫灑銅駝淚。還向藤陰倒酒瓢。

王蟬齋

曾揩淚眼記金臺。酒畔春心寸寸灰。解錄夢華溫舊夢。夜燈展讀見君才。

李宣倜

奉答題詞諸作

陳宗蕃

奕葉垂文獻。條隨王道息。堅儒強解事。撥拾志都邑。禾黍託微吟。俗子已變色。愛憎見世風。感茲涕霑臆。羣公惠好我。寄言勤拂拭。夢華若可溫。春明還相憶。默默含元情。寂寂藤陰迹。慨念墻垣穿。灑淚銅駝棘。朔方同乞食。語重心彌惻。微嗶引衆籟。會心各有得。鉅釘續殘編。補苴望羣力。斗杓今指南。鴻爪留餘墨。

燕都叢考第一編第二編引用書目

元史	王緯等修	皇朝文獻通考	洪然居士集	邢律楚材
元史祭祀志	會典		中堂事紀	王惲
明史	張廷玉等修	大清會典事例	說學集	危素
明會典	張居正等修	順天府志	道園學古錄	虞集
明兵例		國朝宮史	燕石集	宋鑒
明一統志	李賢等修	八旗通志	蠟庵集	張翥
明宮史	呂志等修	畿輔通志	丹墀獨對	吳鼐
明成祖實錄		萬歷沈志	沈應文	以上元代書籍
明宣宗實錄		宛平王志	王養源	徐學聚
明世宗實錄		日下舊聞考	客窗偶談	陳億
明英宗實錄		以上官書	少室山房筆叢	胡應麟
一統志		松漠紀聞	洪皓	翰林記
皇朝通典		以上宋代書籍	兩朝從信錄	沈國元

七修類稿	郎 暉	酌中志	劉若愚	戒庵漫事	李 翺
霏雪錄	劉 績	明水軒日記	高太素	雙槐歲鈔	黃 瑜
懿書	蔣德璟	明工部志	朱長芳	甲申傳信錄	錢士軾
冷然志	徐 善	湧幢小品	朱國楨	詞林典故	張 位
兩京求舊錄	朱茂曙	蒼霞草	葉向高	藝苑卮言	王士禎
真珠船	胡 侍	穀城山房筆麈	于慎行	居易錄	王士禎
水東日記	葉 盛	薊邨雜鈔	王嘉謨	馬氏日鈔	馬 愈
世廟識餘錄	徐學謨	桂州集	夏 言	三垣筆記	李 清
耳談	王同軌	典故紀聞	余繼登	三朝野紀	李遜之
頌天臚筆	金日升	劉忠愍集	劉 球	甲申小紀	無名氏
帝京景物略	劉 侗	舊事府題名紀略	黃 錦	匏翁家藏集	吳 寬
彭惠安集	彭 韶	長安客話	蔣一葵	昭忠錄	
大政記	雷 禮	燕都遊覽志	孫國權	析津志	
野獲編	沈德符	燕史	劉若愚	以上明代書籍	
雪廬焚餘稿	趙維寰	宛署雜記	沈 澆	綏寇紀略	吳偉業

天下郡國利病書	顧炎武	瓊談	高位重	帝京歲時紀勝	潘榮陸
玉堂舊記	楊士驄	京畿金石考	孫星衍	今白華堂詩鈔	童槐
青箱堂集	王崇簡	藤陰雜記	戴璐	忠賢軼紀	徐懋賢
畿輔人物集	孫承澤	人海記	查慎行	躬恥齋詩鈔	宋稷辰
春明夢餘錄	孫承澤	寄園寄所寄	趙吉士	菽園雜記	陸容
燕北雜記	武珪	禮部遺稿	黃富民	茶餘客話	阮葵生
簞曝雜記	趙翼	青門旅稿	邵長蘅	甲乙瑩略	許重閣
瀛洲道古錄	朱彝尊	卷菴閑集	洪亮吉	子齋集	陳儀
陵餘叢考	趙翼	懷清堂集	湯右曾	密書	姚旅
讀史方輿紀要	顧祖禹	西教入中國考	毛奇齡	都門雜記	
日下舊聞	朱彝尊	西河詩話	毛奇齡	都門紀略	
北京歲華記	陸啟深	彭文敏自訂年譜		瓶廬詩稿	翁同龢
客燕雜記	陸啟深	雷塘庵主弟子記	張鑑等	析津日記	周翼
福小錄	朱茂暉	金陵對泣錄	談孺木	坊巷胡同集	張鶴
朔記	沈皞日	改蟲齋雜疏	高層雲	金龍退食筆記	高士奇

西陵類稿

宋 肇

查浦詩鈔

查嗣璣

壬癸詩存

孫 雄

羣經室集

阮 元

查氏烈女記

荃察子齋詩

鄧 瑤

天問閣集

李長祥

嘯亭雅錄

禮親王昭槤

三海見聞誌

李景銘

宸垣識略

吳長垣

復初齋集

翁方綱

京塵雜綴

瞿宜穎

彤史拾遺

毛奇齡

癸巳存稿

余正燾

骨董瑣記

鄧誠之

池北偶談

王士禛

京塵雜錄

楊掌生

物事叢談校補

李宜倜

香祖筆記

王士禛

桃花聖解蠹日記

李慈銘

李彰九遺稿

李鴻春

道古堂集

杭世駿

翁文恭日記

翁同龢

城西訪古記

振 生

太乙舟詩

陳用光

廣雅堂詩

張之洞

舟車集

芸 子

關微草堂筆記

紀 昀

香雪里詩鈔

徐兆璽

中華地理通志

林學衡

淶水亭雜記

納蘭成德

天咫偶聞

震 鈞

岩缺居漫載

林傳甲

郎潛紀聞

陳康祺

鮑廬詩存

郭曾圻

庚子雜記

于景枚

頤道堂詩集

陳文述

畏廬文集

林 紆

西巡大事本末記

張江裁

查浦輯聞

查嗣璣

黎閣詩存

柯劭忞

都市叢考

故宮博物院

存素堂文集

法式善

以上清代書籍

以上時賢書籍

故宮博物院

燕都叢考

閩侯陳宗蕃蕤衷編

第二編

第一 內城總說

內城周四十里。門九。清時定制分五城。而兼轄於步軍統領。其後分爲八區。其街衢之大者。中曰棋盤街。南北曰崇文門街。宣武門街。大市街。王府街。地安門街。安定門街。德勝門街。南小街。北小街。錦什坊街。東西曰江米巷。長安街。丁字街。馬市街。朝陽門街。東直門街。阜城門街。西直門街。鼓樓東大街。鼓樓西斜街。民國十七年併內城八區爲五區。註一

註一 析津志街制自南至北謂之經。自東至西謂之緯。大街二十四步闊。小街十二步闊。三百八十四火巷。二十九街通。街通二字本方言。又長街。廊丁字街。鐘樓街。半邊街。棋盤街。五門街。三叉街。此二街在南城。《案析津志》所舉街名。今多仍舊。惟五門街。又街道址不可考。一街通即胡同也。順天府志明代以前三門外爲南城。故內城祇分中東西北。我朝規制。內城各分五城。其皇城內前明爲禁地者。今則悉隸中城。餘亦各有分并。惟正陽門爲開明出治之區。棋盤街在開明地屬南城。

按前清時。內外城各街巷均係土路。故有無風三尺土。有雨一街泥之諺。宣武門大街崇文門大街暨地安門大

第二 內一區各市街

正陽門之北。中華門之南。爲棋盤街。

註

昔時四圍列肆。百貨雲集。又名千步廊。註朝會時

爲護衛駐足之地。

註

今則石欄周遺。空曠清廓。兩旁爲入東西城孔道。中間僅爲行人散步之所。

步之所。

註

一 舊聞考人清門外俗稱棋盤街。乾隆四十年修葺。周圍石欄。以崇體制。東華錄順治六年五月癸巳款

天監太宸居九重負陰抱陽。陰宜斂藏。陽宜開闢。棋盤街房屋嚴密。宜禁。文德武功兩坊相配。今文德坊已火。即

宜修建。從之。宸垣識略棋盤街四圍列肆長廊。百貨雲集。又名千步廊。元歐陽原功詩麗正門當千步街。則下

步廊爲闔閭之所。明矣。今大清門外居人猶仍此名。舊聞考以門內朝房當之。蓋據金志而言。長安客話棋盤

街府部對列。街之左右。天下士民工賈。各以牒至。上集於斯。肩摩袂擊。竟日喧囂。此亦見國家豐豫之象。查浦

詩鈔難詠詩棋盤街閭靜無塵。百貨初收百戲陳。向夜月明真似海。參差宮殿湧金銀。析津志崇文門正南出

周橋靈星三門外分三道。中千步廊街出麗正門。又朱市在麗正門三橋。窮漢市。一在麗正門西。順天府志今

之正陽門元之麗正門也。明初築京城時。不聞有所更改。第証以元一統志析津志。則麗正門當與今長安街相

近。所謂千步廊者。未必即在今棋盤街之地。以他無可附麗姑附此。燕都游覽志棋盤街直宮禁大明門之前。

每朝會諸大典。京營將先期領營軍護衛。足其中。樹幟甚盛。若乃天衍步月。雖城中多曠。觀乎此局第一。桃

花。重刊記。皇居後。器具由大清門迎入大內。士女擁觀。棋盤街左右以填道。八屏車騎。京官皆由宣武門出入矣。

皇城以內北營采棚直接乾清門。工部司官分日守視。直宿朝房。侍衛輪班堂燭。去樅士夫皆花衣補服。交錯宮門。

按此係前清光緒十六年大婚時事。

按清光緒庚子前棋盤街東西商店林立。拳匪搆亂燬於火。今東面爲美國操場。西面亦僅商店數家。千步廊更無可考。惟周圍石圍尙存。井二。俗謂之龍眼者。軸輻依舊。石圍之內。雜植樹木。黃槐綠柳。夾道環列。天街步月。猶爲勝景。吾鄉沈文懿公瓊慶海園集有棋盤街步月詩。

自棋盤街東面而北。爲公安局街。昔爲戶部街。亦稱富貴街。宗人府

註

吏部

註

戶部

註

三禮

部^註均在街東。民國以後。宗人府遷於東安門大街之北。舊署南一部分爲警察廳消防

隊駐所。其北夷爲平地。售歸民有。吏部改爲京師警察廳。藤花廳尙無恙。戶部改爲財政部。民國四年財政部遷於西長安街。舊署改爲全國烟酒事務局公署。禮部改建郵政總局。高樓聳立。全易舊觀。十七年京師警察廳改稱公安局。戶部街之名。亦改爲公安街。街之北有匯昌大樓。頗足與郵政總局相頡頏。街中售醬羊肉之月盛齋最有名。公安局南面有橫胡同。仍曰富貴街。郵政總局之南有橫胡同。曰新大路。

註 舊聞考宗人府在皇城東。西嚮。吏部公署之北。順治九年仍舊址而恢廓之。明英宗實錄正統七年四

月建宗人府於大明門之東。左爲經歷司。通南爲左司。通北爲右司。又有黃櫨庫。黃櫨房。銀庫。玉牒庫。一統志宗人府設宗令及宗正宗人各一。親王郡王貝勒貝子宗室公將軍爲之。又設漢府丞一。理事官副理事官各四。及主事經歷等員。主事有漢缺二。都市農考宗人府土地祠在宗人府北廊下。黃袍冠冕。儼然王者像。相傳昔年神甚著靈。署中胥吏事之惟謹。按喇亭雜錄載宗室并華云。高祖征尼堪外蘭時。與明議和。邀神以盟。明人界以土地像。擲瓶之。衆皆怒。上曰。此明人。以土地付我之讖。可謹祀之。定鼎後移祀于宗人府。

計二。順天府志吏部在宗人府之南。明永樂十八年建。今朝仍具舊址。大堂西門。左司務廳。右土地祠。其南爲文選稽勳二司。北爲考功驗封二司。又稽俸廳。督餉所皆在其左。一統志吏部設尙書滿漢各一。侍郎滿漢各二。文選考功驗封稽勳清吏四司。各設滿漢郎中員外郎主事等官。司務廳一。舊聞考吏部穿堂之右。屋三楹。曰藤花廳。乃吏部長官治事之所。藤卽吳寬手植也。惟寬詩自注云。朱藤一株。而今實二株。蓋後人補植也。又文選司有許公祠。燕都游覽志紫藤花二株。其一在少宰右署中。吳文定手植也。其一在司廳左署中。有莆田方輿邦撰古藤記石刻尙存。明史列傳許直字若魯。如皋人。崇禎七年進士。除義烏知縣。徵授吏部文選主事。進考功員外郎。都城陷。賦絕命詩六章。闔戶自經。本朝順治九年賜諡忠愍。舊聞考文選司庫後有萬歷二十年兵部職方司員外郎宣化蔣行可跋。又吏部後堂有明碑二。一萬歷十寅重建正堂火房記。禮部尙書弼琦撰。一爲衡參更語。萬歷己未澤王顯光書。文選司署內奎星像石刻一。又萬歷二十二年鈴署公籍引石刻一。尙書陳有年。載其所購官書數目。司務處拾駿。勾容王君履康古雙藤記吏部廳中前有古藤花二株。蒼乳拳擡。南北

對峙。爲明吳文定公所植。托根畫省。稠以茸紫。起以蔥青。所謂記取宛庵手植時是也。王恪張陸繪。文恪屬包山

標格明時。程勤於廳壁乾隆乙酉五月所作。詠蔣額。質文宰額曰。藤華廳時在乾。蜚聲清代。種桃仙去。晚曾

雲而隴。瞠瞠卅人來。撫庭柯而涕霑。舊燬於火。蘇而復甦。半焦之本。重調斷續之紆。垂死之螢。猶燭神仙之字。太

清霜檜。致有左紐之殊。南國甘棠。不以一世而翦。則屋清遜。枯樹發春。塵塵不墜。有足異已。雲筆來此。正及花事。

晚罹貧悴。復移人叢。循行舊地。瞻眺庭陰。九天璽路。雖離而下垂。六曲屏風。隱隱而若蔽。風景不殊。河山變易。又

況銅仙辭漢。鉛淚如傾。玉堦移隋。紫泉永闕。江南春草。玉孫潯而未歸。日下遺聞。先民棲其不作。綴爲此記。勞涉

掌故。兼以鳴哀。嗟乎。弔夢歌離。墮淚莫拾。由哀思盛。往事俄空。長安繁華。已易金張之主。江皋搖落。不無遲暮之

悲。是又訴開元而醉心。過宗周而却步。收以宿雨。淒淒于風物。鞠以茂草。悵悵于齊京者也。鮑廬詩存。有詠吏

部藤花詩。註藤花有兩處在。司廳者未獲視。吳文定所植在宴堂右偏。爲吏部各堂治事之所。據紀河間集文定

舊植。已燬於火。乃後人補植者。辛亥春以會考揀選舉人至此。唐文簡太宰爲置酒其下。流連竟日。

註三。順天府志。戶部在吏部南。西嚮。亦因明舊址建。大堂西嚮。司務廳在其左。諸司屬以次分列。江南貴州陝

西湖廣浙江山東六司在左廊後南夾道內。廂建江西河南雲南四川廣西六司在右廊後北夾道內。山西廣東

二司在二門外南北向。又有南北檔房。飯銀處。俸餉處。現審處。督催所。軍需局。皆有公廨在署內。三庫大庫在署

東北。緞匹庫在東安門內。顏料庫在西安門內。並屬戶部。又有火倉在署西。一統志。戶部設尙書滿漢各一。侍

郎滿漢各二。其十四清吏司。各設滿漢郎中員外郎主事等官。順天直隸及順天所屬州縣則以福建山東二司

分理之。司務廳一。按舊開考云。明代戶部置十三司。本朝增以江南爲十四司。諸司多有明季題名石刻。文已漫滅。惟萬曆十八年雲南司主事張向仁題名記碑尙完好。在今貴州司署內。蓋本雲南司舊署。而今則互易其地者也。天恩偶聞咸豐末戶部失慎。火三日不息。存案悉燬。故戶部無陳案可稽。先是董疆卿大司馬。初登第。觀政於戶曹。暇則檢其舊案之有關係者。抄節存於家。及官少司農。直修則例。吏以無從檢查。例不能具。公乃悉從節抄中補之。書賴以成。亦留心之效也。

註四 典故紀聞云。宣德五年二月。北京五府六部皆未建。宣宗首建禮部。地位規制如南京。加宏壯焉。六年六月工成。劉忠愍集宣德六年行在禮部成。上命僚屬入蒞事。順天府志。禮部在戶部南。西嚮。亦仍明舊址。建門左爲鑄印局。右爲韓昌黎祠。堂之南爲督催所（舊儒士廳）北爲司務廳。儀制主客二司。在左。祠祭精膳二司。在右。一統志。禮部設尙書滿漢各一。侍郎滿漢各二。儀制主客祠祭精膳清吏四司。各設滿漢郎中員外郎主事等官。司務廳鑄印局會同四譯館附焉。明典彙。明宣德五年北京五府六部皆未建。上以禮部所典者天地祖宗社稷之重。及四方萬國朝覲會同。皆有事于此。遂首建之。少室山房筆叢。燕中書肆多在大明門右及禮部門外。拱宸門西。每會試舉子。則書肆列於場前。歲朝後三日。則移於燈市。朔望并下浣五日。則徙於城隍廟中。順天府志。拱宸門卽公生門。見栽園雜記。今內城書肆在隆福寺街。外城在琉璃廠。餘惟正陽門外西河沿間有之。天恩偶聞紀文達槐西雜志云。禮部署中有壽草。春開紅花。綴如火齊。秋結實如珠。翠芳譜野菜譜。嘗之。載不知其名。或曰卽田塍公道草。此草種兩家田塍之上。用識界限。犁不及則一莖不旁生。犁稍侵則蔓斷不止。

反過於所侵之數。故得此名。然余審諦署中之草葉作鉅齒。略相似。花則不似。其說非也。在穿堂之北。治事處階前甬道之西。相傳生自國初。歲久漸成藤本。今則分爲二歧。枝格枚極。挺然老木矣。曹地山先生名之曰長春草。余官禮部特作木欄護之。門人陳約園漢時官員外郎。使爲之圖。署中又有連理槐。在齋戒處南檐下。鄒小山先生官侍郎時。常圖繪題詩。今尙貯庫中。按梁蔭林中丞謂在部清理南庫時。與薩蘇林迎阿注意檢尋。渺不可得。不知失於何時。而二并木今皆無恙。至優鉢羅花則久無存矣。鮑廬詩存有詠部禮壽草詩。注詳見紀文達筆記。梁退庵南省公餘錄。曹文恪長禮部時。改名長春草。並屬陳約齋員外爲圖。天澤堂榜額及楹聯亦文恪所書。禮部舊址今改設郵政局。一切文物掃地盡矣。鮑廬詩存有典禮院移交事竣留別合署同僚詩。注春曹故事。同人有遷調者。留書一部爲別。相傳始漁洋先生。往時祠祭司廳事度歲多至數千卷。庚子之亂散失略盡。此舉亦廢。按宣統間改禮部爲典禮院。仍禮部舊署。又按鮑廬詩存。禮部舊有韓文公祠。南來軍士借駐。毀爲馬廄。感賦詩中有句云翰林土地祠已褻。劉非柯亭久湮廢。春曹祠宇肇何時。數典無徵亦其例。又有句云。去年檣櫓再一新。廟壁直琅待撰記。此詩作於壬子。韓祠辛亥尙重修也。按民國以來。各署均多變更。所有題名牌記。皆磨治遷移。古蹟既湮。不可復睹。書肆今惟琉璃廠隆福寺尙在西河沿亦早無存。

此外順天府志所載抬頭庵宗人府後胡同牛圈胡同史家胡同戶部北夾道韃子營。鷄館。樂庫諸名。今俱併入東交民巷使館界不可考。

公安局街之後身。爲兵部街。前清時兵部^{註一}工部^{註二}鴻臚寺^{註三}欽天監^{註四}太醫院^{註五}咸在是街之東。光緒庚子以後。均併入東交民巷使館界。爲俄國操場。無復餘迹。

註一 順天府志。兵部在宗人府後。亦仍明舊址建。大門嚮西。門內爲會同館。大堂五楹。武選職方二司在其南。車駕武庫二司在其北。又司務廳督催所稽俸廳皆在大堂左右。又二堂五楹。中有照壁。刊周禮大司馬法。一則。猶明代物。又武選司設楊椒山祠。舊有兵部督捕公署。順治十一年特設一侍郎主之。佐以理事官及郎中員外主事司獄等官。專詰八旗逃丁與窩逃者。並查緝盜賊。康熙三十八年裁併兵部。統志兵部尙書滿漢各一。侍郎滿漢各二。武選職方車駕武庫清吏四司。各設滿漢郎中員外郎主事等官。司務廳一。其外有會同館附焉。

註二 順天府志。工部在戶部後。西嚮。仍明舊址建。大堂西嚮。營繕都水二司在左廊。虞衡屯田二司在右廊。司務廳在大堂之右。科估所在堂左。堂後爲督催所。其堂官視事之所。亦曰藤花廳。枝幹峭舉。與吏部相似。第不傳爲何人所植也。陳澤州午亭集稱冬官署中南亭張數額英所葺。今工部廳事植藤。亦曰藤花廳。旁有齋戒房。節慎庫。捧日亭。相傳爲嚴世蕃書。今削其名。南亭疑即藤花廳。而人罕知。故記之。一統志工部設尙書滿漢各一。侍郎滿漢各二。營繕虞衡都水屯田四清吏司各設滿漢郎中員外郎主事等官。司務廳一。天恩偶開工部大堂屏風之後。門限之間。有鐵磚方二尺許。色澤甚古。明人著鴻雪軒隨筆。謂是石季倫棄物。未知何據。工部屯田司有文子乘郎中。聯粉署其宜。舊雨常懷杜工部。詞人能作吏。曉風爭唱柳屯田。爲一時絕唱。文爲丙辰進

士工詩

註三 順天府志鴻臚寺在工部南。西嚮。舊錄禮部統轄。嗣經奏准。舉太常寺皆以禮部滿尚書兼管。一統志鴻臚寺卿滿漢各一。少卿滿漢各一。鳴贊序班生簿附焉。

註四 順天府志欽天監在禮部後。西嚮。明正統七年建。乾隆四十一年奉詔重修。門西嚮。堂前月臺設舂影一座。堂左右碣一。恭紀雍正二年二月二日庚午日月合璧五星聯珠之瑞。堂後凡三重。其扉宇之數共百有十。會典欽天監兼管監事。大臣無定員。監正滿一。西洋一。監副滿漢各一。左右監副滿漢西洋各一。掌測候推步之法。占天象以授人時。所屬時憲科春夏中秋冬五官正。五官司天文科五官靈臺郎。五官監候。滿刻科。挈壺正。五官司晨博士。天文生。陰陽生。主簿。筆帖式。

註五 順天府志太醫院亦在禮部後。西嚮。大堂外左南。右北。廳。後爲先醫廟。外門曰樞星門。內門曰咸濟門。殿曰景惠殿。供三皇聖像。左右廡刻勾芒風后至王冰配位。殿旁爲省牲房。先醫廟外北嚮者爲藥王廟。有銅人像。蓋即明英宗時修者也。舊聞考藥王廟神像前銅人像始作於宋天聖時。元至元間修之。明英宗時又修之。三皇廟內有鍼灸經石刻。明時重摹上石者。會典大醫院使一。左右院判各一。掌醫之政令。率其屬以供醫事。掌九科之法。以治疾。掌灸製之法。以治藥。教習二。簡能者任之。

按兵部工部各地。今俱夷爲英俄二國操場。太醫院則今日之俄國兵營也。

兵部街之後爲東西河沿。昔時有橋三。在城根者曰南玉河橋。在交民巷者曰中玉河橋。